

職方典第一千四百四十二卷

南寧府部彙考二

南寧府山川考二

府縣志合載

橫州

震龍山在城北百里峭峯齊雲爲橫淳賓貴諸山之祖山頂有潭蛟龍所宮潭泉一泓下注山腰石坎如白練垂天衝射濺沫百丈自下望之飛花滿空分爲三溜至於山麓散爲九溪多靈蹤多怪風雨多異桃李入者一任其食懷之則迷歸路祿藍東班之水出焉四畔峯巒環立互數百里 長寨山一名將軍山在城東二十里形如端笏爲諸山領袖岑猛墓在其巔

古鉢山在州北七里形如僧鉢上有慈感廟腰有半山亭有石磴大路每春時州人載酒遊焉爲一州之鎮 秀林山在州西南十里林木鬱秀 鳴石山在州境通志引山海經以爲

長石之山長石西有共水注於洛洛在河南與嶺南不相屬橫自有鳴石山也 寶華山在

州南二十里四時常有寶氣見於山巔形如翠屏樹色葱蒨濃雲擁罩則爲雨徵爲郡山之寶

上有應天禪寺建文帝像唐時有二神僧騎虎鹿於其上人每見之今則僅爲虎所往來宋徐安國詩云秀出城南號寶華翠微深處衲僧家百年臺殿歸灰燼一逕蒼苔點落花 筆架

山在州西南十里形如筆架 丫髻山去城九十里雙峯如髻 天臺山在城北八十里

俗呼爲大窪山石頂方平高巖品列如臺見乎百里之外 大屏山在城北七十里俗呼沙

牯山高平入漢形若屏風 鳳凰山在州北七十里 聖山在城西北四十里卽大瓠山

其支蜿蜒磅礴龍奔雲矗突然而起 仙女山在聖山之旁與聖山並峙 大路山在城

西二十里有大路通永淳山心有鋪盤鬱萬丈邈迤而南其上多竹木樵者甚衆 九珠山

在鉢嶺左九峯如珠故名 九鳳山在州西五里九峯如鳳 斗山在城西五里六峯如

南斗因名 北山負郭如展舊有報恩禪寺四圍有古墓今改寺爲儒學卽州治靠山

尖岵山在城北四十里俗名尖谷分鍾屯東支過嶺峽卽此山 幺麼山在州北有山鳳具

五彩飛則百鳥隨之有飛狸獸肉翅如蝠其上又產異茶味香潔 獨石山在城西四十里

四山皆土此獨石分鍾屯西支蔓衍爲山黃緣大江在烟火周連中 綠鑾山在州西六十

山下有綠蟾泉

王托山在鍾屯中左其支細嫩蜿蜒陂陀脫落陶墟出龍謝南望大鄒之

餘支東頰尖帖之全勢左右交牙巽峯疊面此山獨崛然中起有俯視羣山之象

木力山

與王托山並

蒼帽山在尖帖山東隱嶙鬱礪或斷或連或爲土壘或爲石其山有泉可以

灌溉

羅蠶山在城東北二十里平地突起如蠶

立魚山卽小長寨

長旗山木

身水腳形如展旗

空籠山在城東十里有竅貫山腰東西晶然透明昔人獲一異禽欲獻

於郡至此山禽脫籠飛去獻者空歸故名

天窟山山有二巖南巖峒口有潭澄深亘測羅

蠶之地多演泉行於地中總會於此伏行洞底至巖盡處從石罅而出澆澗清冷注於鬱江卽

石泉也其中產嘉魚九十月間可捕峒有二岐嶢嶢窈窕深二里許多怪石多鐘乳多靈泉多

蝠多燕其旁覆處如長廊其高突處如華蓋石笋突起如佛像如獅如吼坐者立者頽者仰者

歌者舞者種種倒垂如蓮花如龍涎如堆雲有石柱長十餘丈直撐巖頂西至盡處豁然有窟

通天日光穿射驟視橫如玉柱久之乃可辨在州東三十里俗名月林灣洞內鄉人鑿石爲垣

以避寇垣之內必秉燭乃可行其北巖原名玉女巖離數丈在諸石峯中南巖爲其賓也北唯

一徑通厥峒口初入峒一石儼如伏虎入其堂如穹窿而閣少息漸可覩焉東岐有老君像冠裳雲彩歲變無常前生小石臺臺上有一石盤常盛冷漿西岐多坑陷盡處亦石乳滴成危臺或如掛衣諸色相其上亦一窟通天 暗羅山在城東五十里獨石臨江中有石室 龍

牙山在城南五十里石如龍牙

運表山從震龍山分幹東南行五十里而達卽此山

定祥山石峯森列如戟如戈如陣初合如兵將潰在城東五十里

大嵐山在城南五里重

巒土山磅礴三十餘里

烏巖山在城東六十里僞漢主易名爲烏巒山或云漢時谷永招

烏濬蠻人居之故名其麓有伏波將軍廟下卽烏蠻灘在古江口

天馬山在城南二十里

與寶華山並俗呼爲案山

大麓山在城西南三十里林木青翠州治倚之

席帽山離

城南二十里居寶華山之右形如席帽

夷山在城東南十里居席帽山之西北障於水口

直奔大江鹿江之水合焉俗呼爲大嶺

洪崖山在城南五十里東爲靈山縣界西爲橫州

界

東山在州東南八十里巍峨數十丈盤紆殆百里屹然州之異位是多樟稱武流之水

出焉東西南爲靈山洪崖都北爲本州樂山鄉以其在靈山之東故名

那陽山在城東十

里 樂山在城東五十里

陸答山與樂山並

青旗山在城東六十里形如頓旗樹

色蒼翠伏波廟隔江相對借形勢焉

火烟山在城西北三十里其勢聯絡奔騰白餘里

飛龍山在州西一百五十里昔有白龍飛去故名飛龍之水出焉

逗口山在州西南一百

里與靈山界兩崖逗合中通一路僅容一人行故名俗亦名爲豆蔻山以其出豆蔻爾

茶

山與逗口相連皆林木稠密

天堂山一名大王山入茶山盡處相傳靈山有寧君者居其

頂成神其山雙峙先有石橋可通村民歲祀之或忘其斧復取之見仙集焉歸以語人雷遂震

坼之登高則望見欽州靈山封域

雄龍山舊名石樓由大王岡入路遠自山拗邨登之路

近去州西八十里乃江南諸山之最雄壯而高聳者

獨秀山在雄龍之西獨佛巖之東一

山獨聳其麓平闊面前有池宜作穴

石灰嶺在州之宋村

登高嶺過龍池塘表東南

百步至演武亭又百步至迎宣門從西入上有敵臺有仙槎亭西城跨其上九日州人於此登

高 烏石嶺從登高頓跌而下南望大江乃舊儒學右臂一乳也上爲吳悞齋山房

馬

嶺在州北三十里

羊嶺在東北三十五里馬嶺之左

白象嶺在城南五里山形如象

望州嶺在州南五里由靈山而來皆在山谷之中行至此忽觀州城蒼松翠竹奇峯遠嶂秀麗
改觀行者皆欲望之因名 麻沙嶺在州東南 獨鎮嶺靈山大路跨其上左畔水出平

南江右畔水出鹿江

分界嶺其南爲靈山界在州西南一百一十里其麓有大墟橫靈鄉

民交通處

金龜嶺在城東北二十里形如伏龜羅蠶諸山皆石其色如黛惟此石而衣土

草色獨黃

母豬巖在州東四十里上有靈塘十二瀆泉溢出灌田

空洞巖在城東三

十里俗呼湓塘巖石室玲瓏層層有洞中多奇石皆青碧色二層有石側立大如臥榻擊之聲
如銅鼓其上復有一石如龍舌下垂以梯而上復有一門入復平曠爲第三層也傍一門出有

平地一區若露臺下視甚峻知州曾儲以其五竅如星更名五星巖

鳳凰巖在城東四十

里形如飛鳳昂霄石壁臨江洞門瞰水必舟然後可通攀緣而上軒豁深長可數十間石乳雲
竇丹穴仙牀奇怪幽閭竊然別一天池巖半有翠房攀蹬而上有一穴僅可容身匍匐而入豁

然寬敞房前有臺左右懸乳如垂龍中有柱如簷足旁有仙羊窩後有一竅相對可通巖頂曉

日升時日光穿出洞口豹谷陳大綸大書迎仙洞三字於內

獨佛巖在大王山東北長可

容二百餘人山頂右有瀑布泉飛聚於前成塘左右前築皆若樓臺 石窟陶墟石窟村有

窟容數十人 牛皮石在州西七里形如牛皮上有立石高二丈許鐫橫州二字相傳仙人

所書 米貴石在州西見則米貴 豹子石在州東二十里形如蹲豹 地伏石在苦

竹灘下長石伏江 鬱江在城南州學前形環如月故又名月江其源出廣源山海經曰鬱

水出象郡今交趾地廣源州屬而東注南海是也 清江在城東十里有嘉魚穴其源出旺

澤陳汶石塘初名龍江南流北鄉鶴竇合陶墟右溪歷石狗村合茅江有龜頭圪橋焉東則藤

寨一溪過陶墟左至龜頭與龍江合又東零里龍潭出水口黃村過飛鳳嶺及從化之太祥村

又東一支出交椅石井別流入焉會而南轉過馬融易名方水有石魚有圪橋東流小溜江從

馬嶺來與壬水長溪水入沙江塘又東一溪入黃靈塘與沙江底合流者總名之曰清水東行

八里至滑石河會分壁嶺之右水乃名清江入於鬱江 古江在州東十里其源出震龍山

經綠藍羅村合鍾黃水出綠房山者歷茶村鴉阪至烏巒驛入鬱江有巡司焉 鱷江去州

八十里旁有鱷魚穴俗因立鱷水廟今考州境無此江嘗聞鄉老謂綠藍山有鱷水大王神今

綠藍村江邊有小廟江水雖泛不淹疑卽是綠藍水之異名流至烏巖而爲古江也 平南

江其源出靈山縣界西歷逗口山東歷盈虎諸山俱北流至江口入於鬱江 橫槎江其源

出諸山谷入於鬱江其下有灘晉咸和間有一枯槎枝幹扶疎堅如鐵石其色如漆黑光照人

橫於灘上故名一名槎浦 陳埠江其源出欽州靈山界經大埠石龜屯莊墟過鳳凰三娘

高嶺至龍門平塘村入於鬱江中多材木竹筏穀貨廣東山人於此造舟今立鹽埠 鹿江

其源出靈山縣界經獨鎮嶺歷斄竹沙田北流入鬱江 武流江在城東南二十五里源出

靈山石塘營北流過博白合蟬蛇江入鬱江 懷西江出興業北流歷武思營南界入於鬱

江 方水在州北十里有石魚諺曰石魚生羽翼必有異人出 米埠水在城西二十八

里其源出北鄉鯉魚潭經蘇光硬葉紅山合別流過佛子甘鄉獨石又合離沖水入於鬱江

紫水在大江西北岸梓潼廟前離江十丈許一大平石每春石前噴出紫水流經學前及月江

大比歲候爲登科之兆流長則中式者多短則少每每而驗若出於龍興寺者不應 施冲

水其源出那地那纏過永淳長岡至火煙之上爲橫淳屯田界限入於鬱江 西竺水出南

山兩腋流西津入鬱江

甜菜水出諸大山谷入鬱江

苦竹水在橫州東四十五里以

傍多苦竹故名

靈犀水在鬱江上流又名靈灣相傳潭中昔有二犀每風息浪靜則出於

潭岸頂有光彩

冷水在州西五十里

遊魚洲在州西七十里陳埠江上形如遊魚又

如覆舟

白鶴洲在暗螺山下

烟蘿洲在州東九十里烏巖灘下草木藤蘿蔚水雲

烟霧隱隱俗訛爲鹽蘿洲

一洲

二洲

三洲俱在州西三十里下卽灘

治春

灣在州西四十五里今小里埠

龍母灣在州西南四十里江口墟

曹村灣在州東五

里其源自宋邨白水塘經九曲入鬱江

月林灣在州東三十里俗傳水底有鐵舟大風雨

時見其浮於水面或見於麻埠江心或見於鳳凰巖前蓋神物不常在耳

煞船灣在州東

八十里烏蠻灘下凡行舟下灘畢在此灣泊少憩方遣舟師回站

磨麪灘在城西九十里

水路旋轉如磨

橫槎灘在西南五十里

三十里灘在州西三十里與三洲同長

雞兒灘在州南三里

苦竹灘在東南三十五里

烏蠻灘在州東六十里其灘極險上

有伏波祠水道有龍門三鬼馬槽型劈鎖匙掛舵等名延亙三十餘里凡船往來必虔禱之因

改名爲起敬灘

香稻溪在州西一里其源出綠衣蓮花塘經古鉢山旁產香稻西來海棠

二橋跨焉入鬱江

瀆塘在馬嶺之右有汎泉焉

震龍潭在州北一百里震龍山上水

自山頂湧出分爲九溪二溪流出賓州獨塞界二溪流出貴縣雲表界一溪流出橫州綠藍界四溪流出永淳靈竹鄉界潭常藏龍嘉靖間有客龍來鬬崩石倒樹 零里潭在州西北六十里零李村後東北流入毛江 鯉魚潭距州西北六十里在陂壘村流入米埠江 蚶

蛇澗其源出山心鋪至西津入於鬱江

橫石磯在州東八十里烏巖灘下行舟至此始戒

巖上灘

謂池在州北卽唐貞觀中所陷池宋守徐安國詩爲谷爲陵事已非靈源匯澤發

光輝有時風雨連村暗夜半龍遊古鉢歸

古辣泉在州境內桂海虞衡志古辣乃賓橫間

墟名以墟中泉釀酒既熟不煮但埋之土中日足出色淺紅味甘而致遠雖行暴日中不亟壞南州珍之宋守徐安國詩有古辣觴客醉之句 瀑布泉在州南三十里寶華山背雷公

嶺泉自山頂石槽中直下長數十丈形如掛練清寒沁骨

簷龍泉在鉢山頂廟傍井下四

時澄注不絕亦靈泉也慈感夫人據山泉而效靈若歲大旱官民用求雨澤登山汲水無禱弗

應 六嘉井在博合墟闊二尺深三尺有力木井欄泉水噴出沙泥中其色清冽特異其味雋永可嘉遠村數百口家取之隨取隨足卽歲大旱流注如常若以釀酒色味久藏不變鄉人又稱爲酒泉今在城鋪家井以千計雖自便然腥穢之氣不宜煎藥不宜烹茗且冬月乾涸竟取汲於大江徒鑿傷龍脈耳 井頭井在那陽村唐貞觀時本邨出淑惠夫人及陳四斗姊弟同胞傳爲此井靈異所鍾一時士客官民絡繹往觀鄉人憚於供應曾用木石填塞今泉水自旁孔瀆出四時不竭那陽一大邨民咸取汲焉色亦清澈但氣味略弱不甚凜冽 南門井在南城外通大街四時不竭 陳公井在州治月臺東嘉靖二十二年攝州印思恩府同知陳大漢鑿崇禎二年知州王寵命石工覆石井欄因構清泉亭於上額曰井養不窮 關帝廟井在南門外關帝廟左 衛前井在馴象衛門之西 局內井在迎宣門內以上在城廂計五井舊名爲五星井皆由人力穿鑿成者村鄉計二井其天造地設者合爲七星井俱堪咀嚙然以六嘉井爲第一

永淳縣

龍章山在縣北四十五里昔有龍出入此山文彩炳然

掛榜山在縣西北石壁臨江宛如

掛榜

魚流山在城西六十里潑漲灘急魚自順流而下

鳳凰山在縣南十里近三洲

村

司中山在城西北五十里產鐵力樟楠諸大木兵燹後人回故址起造屋宇大者砍伐

殆盡

林公嶺在城南六十里昔有林氏者隱此故名

大人嶺在城北五十里其峯高

聳上有古寨鄉人避寇之處

雷峯嶺在縣北岸一里有雷廟又嶺頂周圍有一蹊徑圍繞

舊傳雷神起震而成亦一異也

登高嶺在城西里許九月九日邑人登遊放風箏以爲樂

珠巖紫水出焉

雷破巖在城東三十里石崖如壁下有劉大王廟

遊魚石在城東江

水涸則見

頭巾石形如儒巾故名與雷破巖對河險急

大江在城西卽鬱江環繞縣

治北東南三方經橫州爲槎江經潯州與北江黔水合經梧州與府江灘水合東南入於海

東斑江在城東北五里源出橫州震龍山經縣急水邨入於大江按縣志在縣西北經急水露

墟甘塘石嶺入於大海按明一統志源出賓州領方縣界流於鬱江

秋風江在縣西南三

十里源出靈山縣界入於大江

永東江在城東一里一左源出梁雞經滑石一右源出石

恢朗二水會於青灘合入縣鬱江東岸

靈犀水卽珠巖前水舊傳水底石窟有犀牛眠焉

牛練灘在縣南七十里石形如牛故名

野鶴灘在大江縣西五里 燕子灘在縣西

八里 淥境灘在縣西十里水涸無恙湧漲則險惡遇發時澎湃湍急哮吼之聲似雷鳴虎

嘯深窩注下少頃瀑出力能覆舟 石洲灘在縣西二十里 泊灘在縣西二十五里

流魚灘在縣西三十里湧漲灘急魚順而下不能復上 龍泉在縣西十五里有石洞洞有

石竇通大江 牛澗泉在縣南五里以水煮飯飯上寸許如桃花色乃不常見間一有之

雷破磯在大江縣東三十里險急上石巖有劉大王廟在焉

上思州

十萬山距州八十里羣峯前後巒岼爲百溪發源處 三台山在州北十里一名文嶺

朝拜山在州前一名六馬嶺其形如拜 獅山在州北一里踞踞若獅一名思山州因此名

鳳凰山在州西十里許其形似鳳明一統志在州南二十里 王侯山在鳳凰山北上有廢

址一名王侯寨 柳槐山在王侯山東一里柳槐多生之故名 東曉山在州東十里乃

夏地方隅

望州山在州北十里北鄉路歷其上卽眺州治

煉銅山在州東有三百谷

口

達追山在州陽嶺四面石壁山半有泉如瀑布下注成溪

營西山距東曉山十里

架梁山界東北兩鄉勢直入州

大吉山距州七十里在東鄉界草木蔽芾視羣山獨高

懔悵山與大吉山相表裏

弄樸山在州方嶺西

東壇山在州西三十里

營林山

在鳳凰山西首吳總戎征鏐屯兵於上

東香山在州北四十里豺狼時出上有弄懷山三

大字又有弄懷巖山峻河深怪石疊見

淥玉山在望州山側凡雷出其上則雨土民候爲

陰晴

北梯嶺在州北三十里路險若梯

排陽嶺去州十八里

恃武嶺在州前左

高百丈上有土城世傳漢伏波征交趾立之

回車嶺有土城與恃武嶺對

營強嶺在

龍跳灘南三里

四方嶺在州西三十里其勢鬼拔四面方正上有潭

獨秀峯在州東

南五里羣山糾紛左右對峙

美麗巖在弄懷之左中有奇石如蓮座

甘燕巖在恃武

嶺麓

弄懷巖在州北四十里山峻洞深怪石重疊入洞者必然火乃能行知州周璞刻弄

懷山三字於巖嵒

劉甘巖在州西六十里

上思江在州治西南源出十萬山

明

江源發自十萬山派至那板等溪曲折二百里達州而西合明平爲左江入大河歸於海

東麗峽在州西八里兩山相麗對明江水

馱龍溪發源自北龍嶺南注獅山合淥盎溪二

里環州北達於明江

馱造溪源發自東曉山

馱懷溪發源自鳳凰山派北注明江

淦況溪自營西山發源東逝

剝鄧溪自弄樸山發源南至那渠下入於明江

馱桃溪

發源自東香山來

馱白溪卽馱桃溪之總派出邕州必由之

龍跳溪卽扳龍溪去州

五里上平下銳世傳以龍躍故名巖穴數口春水集則魚集于巖年之豐歉卜焉

那板溪

淥浪溪

懶麻溪

冲榜溪

淥鬱溪以上諸溪皆十萬山發源會於明江

那卯

樹溪

阮朗溪

波急溪以上三溪自十萬山發源合于馱僕溪

獅子潭在獨秀峯

後三里水面一石踞昂首若獅云

葫蘆潭在扳龍灘上明江側世傳有村陷成潭

汪水潭一名龍潭卽明江派在獅子潭上一里禱雨輒應

汪盟潭在板門村下距州五十

里上有黃平章墓時或有變故則聞鼓樂鳴於巖中

金印潭原名剝馱潭在州南離城五

里潭深水平明弘武二年因土官黃富鑒昆弟爭襲棄印於潭中後遇風雨大作其印自浮

故名爲金印潭因其昆弟之變遂改土設流

福泉源出州西北坎知州詹世龍開因民受

其福之義故曰福泉

溫泉在三台山之東五里若時豐泉始濕其水冬熱夏寒

剝耳

泉在剝山石內湧出

天池在四方嶺之巔

學宮池在學宮前

東陂池在城外上

下二口周歲蓄魚

蓮陂池在東郭城隍廟前

渠渴陂在武奮門外一里嘉靖十四年

陳世瞻集土爲嶠

派闕陂在獅山後

下雷州

筆架山在州前

崇壽山在州後

地軸山在城南一里

香山在城西北一里

朝佛山在城南二里

天關山在城北一里

遷隆峒

四方嶺

湖潤寨

山

石巉巖但無名山可紀

水利附

本府

宣化縣附郭

銅鼓陂在城北二十五里明永樂二十年築後崩潰成化中知府劉淵復築又潰嘉靖十五年